

গণপ্রজাতন্ত্রী বাংলাদেশ সরকার  
তথ্য অধিদফতর  
বাংলাদেশ সচিবালয়  
ঢাকা

সংবাদ গতিধারা

জাতীয় দৈনিকসমূহে প্রকাশিত সংবাদ, সম্পাদকীয়'র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার  
সংখ্যা ৯৪/২০১৮-১৯

ঢাকা, রোববার ১১ নভেম্বর ২০১৮, ২৭ কার্টিক ১৪২৫

আজকের দৈনিক পত্রিকাগুলো নিম্নলিখিত বিষয় প্রাধান্য দিয়ে খবর ছেপেছে

- ১। সংলাপে সুষ্ঠু নির্বাচনের আশ্বাস দিয়েছি, জ্বালাও পোড়াও করলে ক্ষমা নেই : প্রধানমন্ত্রী
- ২। রাজধানীর আদাবরে সহিংসতার ঘটনায় ব্যবস্থা নেওয়ার নির্দেশ প্রধানমন্ত্রীর
- ৩। প্রধানমন্ত্রীর আশ্বাসে দখলকৃত জমি ফেরত পেল ঢাকেশ্বরী মন্দির
- ৪। ব্রিটিশ প্রধানমন্ত্রী থেরেসা মে'র সাথে স্পিকারের সাক্ষাৎ
- ৫। নির্বাচনে শান্তিপূর্ণ পরিবেশ রক্ষার দায়িত্ব সবার : স্বাস্থ্যমন্ত্রী
- ৬। নির্বাচনে গণতন্ত্র আরও একধাপ এগুবে : সেতুমন্ত্রী
- ৭। নির্বাচন ঘিরে প্রাণহানি কাম্য নয় : স্বরাষ্ট্রমন্ত্রী
- ৮। জোটবন্ধ নির্বাচন করলে তিনদিনের মধ্যে জানানোর আইনি বাধ্যবাধকতা আছে : ইসি সচিব  
ইভিএমের কেন্দ্রে সেনাবাহিনী রাখার পরিকল্পনা নির্বাচন কমিশনের
- ৯। ৬৮ শতাংশ তরুণ ভোটার প্রধানমন্ত্রী শেখ হাসিনার কাজকর্মে সন্তুষ্ট
- ১০। বাংলাদেশের সাফল্য আজ বিশ্বব্যাপী প্রশংসিত :  
নিউইয়র্কে উন্নয়নমেলায় জাতিসংঘের আভার সেক্রেটারি জেনারেল
- ১১। পঞ্জগড়-ঢাকা রংটে ট্রেন সার্ভিস চালু

১। **সংলাপে সুষ্ঠু নির্বাচনের আশ্বাস দিয়েছি, জ্বালাও পোড়াও করলে ক্ষমা নেই : প্রধানমন্ত্রী**

প্রধানমন্ত্রী শেখ হাসিনা বলেছেন, রাজনৈতিক দলগুলোর সঙ্গে সংলাপে সুষ্ঠু নির্বাচনের আশ্বাস দিয়েছি। জনগণ যাকে ভেট দেবে, সে ক্ষমতায় আসবে। গতকাল (১০ নভেম্বর শনিবার) গণভবনে রংপুরের পীরগঞ্জ, গোপালগঞ্জের কোটালিপাড়া ও টুঙ্গিপাড়ার নেতাকর্মীদের সঙ্গে সাক্ষাৎকালে প্রধানমন্ত্রী আরো বলেন, ‘নির্বাচনকে কেন্দ্র করে কোনো জ্বালাও-পোড়াও হলে ক্ষমা নেই। তাদের কঠোর শাস্তি পেতে হবে। জনগণের জানমাল রক্ষায় যা যা করণীয় আইনশৃঙ্খলা বাহিনী তাই করবে। সূত্র-ইত্তেফাক (পৃ.১,ক.১), ইনকিলাব (পৃ.১,ক.৫)।

২। **রাজধানীর আদাবরে সহিংসতার ঘটনায় ব্যবস্থা নেওয়ার নির্দেশ প্রধানমন্ত্রীর**

ঢাকার মোহাম্মদপুর ও আদাবরে সংঘর্ষের মধ্যে গাড়িচাপায় দুই কিশোরের মৃত্যুর ঘটনার তদন্ত করার নির্দেশ দিয়েছেন প্রধানমন্ত্রী শেখ হাসিনা। সেই সঙ্গে দুই দিনের মধ্যে জড়িতদের বিরুদ্ধে কঠোর ব্যবস্থা নেওয়ার নির্দেশও দিয়েছেন তিনি। এ তথ্য জানিয়েছেন আওয়ামী লীগের সাধারণ সম্পাদক এবং সড়ক পরিবহণ ও সেতুমন্ত্রী ওবায়দুল কাদের। গতকাল (১০ নভেম্বর শনিবার) ধানমন্ডিতে আওয়ামী লীগ সভাপতি শেখ হাসিনার রাজনৈতিক কার্যালয়ে দলটির সম্পাদকমণ্ডলীর এক জরুরি সভাশেষে সংবাদ সম্মেলনে এ কথা জানান তিনি। সূত্র-যায়বায়দিন (পৃ.২,ক.৫), জনকঠ (পৃ.১,ক.২), ডেইলি সান (পৃ.১,ক.১), ইন্ডিপেন্ডেন্ট (পৃ.১,ক.১)।

৩। **প্রধানমন্ত্রীর আশ্বাসে দখলকৃত জমি ফেরত পেল ঢাকেশ্বরী মন্দির**

দখলকৃত দেড় বিঘা জমি ফেরত পেল ঢাকেশ্বরী জাতীয় মন্দির। মন্দির কমিটির দীর্ঘদিনের দাবির পরিপ্রেক্ষিতে চলতি বছরের ১৫ অক্টোবর দুর্গোৎসবে ঢাকেশ্বরী মন্দির পরিদর্শনে এসে মন্দিরের দক্ষিণ-পশ্চিম কোণে অবস্থিত দেড় বিঘা পরিমাণ জমি মন্দিরকে ফেরত দেওয়ার ঘোষণা দেন প্রধানমন্ত্রী শেখ হাসিনা। গতকাল (১০ নভেম্বর শনিবার) প্রধানমন্ত্রীর এ ঘোষণা বাস্তবায়িত হয়। গতকাল ঢাকেশ্বরী মন্দির প্রাঙ্গণে সংবাদসম্মেলনে এ তথ্য জানানো হয়। সংবাদ সম্মেলনে লিখিত বক্তব্য উপস্থাপন করেন বাংলাদেশ পূজা উদ্যাপন পরিষদের সাধারণ সম্পাদক এডভোকেট নির্মল কুমার চ্যাটার্জি। সূত্র-ভোরের কাগজ (শেষ পৃ.ক.৬), ইত্তেফাক (শেষ পৃ.ক.৮), এশিয়ান এজ (পৃ.৩,ক.১)।

৪। **ব্রিটিশ প্রধানমন্ত্রী থেরেসা মে'র সাথে স্পিকারের সাক্ষাত**

স্পিকার ড. শিরীন শারমিন চৌধুরী ব্রিটিশ প্রধানমন্ত্রী থেরেসা মে'র সাথে সাক্ষাত করেছেন। ‘উইমেন এমপিস অভ্য দ্য ওয়ার্ল্ড’ সম্মেলনে অংশগ্রহণের জন্য লন্ডনে অবস্থানকালে ব্রিটিশ প্রধানমন্ত্রীর বাসভবন ১০ নং ডাউনিং স্ট্রিটে এ সৌজন্য সাক্ষাত হয়। স্পিকার ‘উইমেন এমপিস অভ্য দ্য ওয়ার্ল্ড’ সম্মেলনের সফলতা কামনা করেন এবং আমন্ত্রণের জন্য ব্রিটিশ প্রধানমন্ত্রী থেরেসা মে'কে ধন্যবাদ জানান। সূত্র-ইত্তেফাক (পৃ.১৯,ক.১), ভোরের কাগজ (শেষ পৃ.ক.১), নিউ নেশন (পৃ.৩,ক.৮), নিউজ টুডে (শেষ পৃ.ক.১)।

৫। **নির্বাচনে শান্তিপূর্ণ পরিবেশ রক্ষার দায়িত্ব সবার : স্বাস্থ্যমন্ত্রী**

দেশে অবাধ, সুষ্ঠু ও নিরপেক্ষ নির্বাচন সম্পন্ন করতে শান্তিপূর্ণ পরিবেশ ধরে রাখার দায়িত্ব সরকারের শুধু একার নয়; সবার। সিরাজগঞ্জের কাজীপুরে গতকাল (১০ নভেম্বর শনিবার) সাংবাদিকদের সঙ্গে আলাপকালে স্বাস্থ্যমন্ত্রী মোহাম্মদ নাসিম এ কথা বলেন। এ সময় তিনি সব গণতান্ত্রিক রাজনৈতিক দলের সার্বিক সহযোগিতাও আশা করেন। সিরাজগঞ্জের কাজীপুরে বিভিন্ন উন্নয়ন প্রকল্প পরিদর্শনশেষে মন্ত্রী বলেন, সরকার দেশে একটি অবাধ, সুষ্ঠু ও শান্তিপূর্ণ নির্বাচনে অঙ্গীকারবদ্ধ। অবাধ, সুষ্ঠু ও শান্তিপূর্ণ নির্বাচন অনুষ্ঠানে সহযোগিতা করা দেশের সব গণতান্ত্রিক রাজনৈতিক দলেরও দায়িত্ব। জনগণকেও এগিয়ে আসতে হবে। কোনোভাবেই নির্বাচনের পরিবেশ বিস্তৃত করা যাবে না। কোনো অপশঙ্কি যেন শান্তিপূর্ণ পরিবেশ নষ্ট করতে না পারে, সে জন্য জনগণকেও সজাগ থাকতে হবে। সূত্র-সমকাল (পৃ.৩,ক.৫), ইত্তেফাক (শেষ পৃ.ক.৮)।

৬। **নির্বাচনে গণতন্ত্র আরও একধাপ এগুবে : সেতুমন্ত্রী**

সড়ক পরিবহণ ও সেতুমন্ত্রী ওবায়দুল কাদের দৃঢ়তার সঙ্গে বলেছেন, সামনে আগামী জাতীয় নির্বাচন। এ নির্বাচনের মাধ্যমে দেশের গণতন্ত্র আরো এক ধাপ এগিয়ে যাবে। আমরা জানি, আগামী নির্বাচনে জাতীয়

=৩=

একফ্রন্ট অংশ নেবে। এ ব্যাপারে কোনো সন্দেহ নেই। আমরা আশাবাদী। প্রধানমন্ত্রী শেখ হাসিনার নেতৃত্বে গণতন্ত্রকে প্রতিষ্ঠানিক রূপ দেওয়ার জন্য আওয়ামী লীগের প্রয়াস অব্যাহত থাকবে। গতকাল (১০ নভেম্বর শনিবার) রাজধানীর জিপিও'র কাছে জিরো পয়েন্টে শহীদ নূর হোসেন ক্ষোয়ারে তার স্মৃতির প্রতি দলের পক্ষ থেকে শুদ্ধা নিবেদনশৈলে সাংবাদিকদের তিনি এসব কথা বলেন। সূত্র-জনকৃষ্ণ (পৃ.২,ক.৫)।

#### ৭। নির্বাচন ঘিরে প্রাণহানি কাম্য নয় : স্বরাষ্ট্রমন্ত্রী

রাজধানীর আদাবরে আওয়ামী লীগের দুইপক্ষের সংঘর্ষের সময় গাড়িচাপায় দুইজন নিহত হওয়ার ঘটনায় দুঃখ প্রকাশ করে স্বরাষ্ট্রমন্ত্রী আসাদুজ্জামান খান কামাল বলেছেন, নির্বাচনকে ঘিরে প্রাণহানি কাম্য নয়। গতকাল (১০ নভেম্বর শনিবার) মগবাজারের টিএন্ডটি কলোনি মাঠে আয়োজিত এক সুধী সমাবেশশৈলে তিনি এ মন্তব্য করেন। স্বরাষ্ট্রমন্ত্রী বলেন, নির্বাচনের সময় কিছুটা উত্তেজনা থাকে। তবে, প্রাণহানি কাম্য নয়। নির্বাচনকে ঘিরে কেউ বিশ্বাস্তা সৃষ্টির চেষ্টা করলে তাদেরকে কঠোর হাতে দমন করা হবে। সূত্র-ইত্তেফাক (পৃ.১৯,ক.২)।

#### ৮। জোটবন্ধ নির্বাচন করলে তিনিদের মধ্যে জানানোর আইনি বাধ্যবাধকতা আছে : ইসি সচিব

ইভিএমের কেন্দ্রে সেনাবাহিনী রাখার পরিকল্পনা নির্বাচন কমিশনের

গণপ্রতিনিধিত্ব আদেশে (আরপিও) নিবন্ধিত দলগুলো জোটবন্ধ হয়ে যে কোনো একটি দলের প্রতীক ব্যবহার করতে চাইলে তা তফসিল ঘোষণার পরবর্তী তিনিদের মধ্যে নির্বাচন কমিশনকে জানানোর বিধান আছে। আজ রোববার শেষ হচ্ছে সে সময়সীমা। এ ক্ষেত্রে সময় বাড়ানো হবে কি না, জানতে চাইলে ইসি সচিব হেলালুদীন আহমেদ বলেন, আইনে বাধ্যবাধকতা আছে, তফসিল ঘোষণার তিন দিনের মধ্যে রাজনৈতিক দল যারা জোটবন্ধ আছেন কোন প্রতীকে করবেন, স্পষ্টভাবে তারা নির্বাচন কমিশনকে অবহিত করবেন। যদি এটা দিতে না পারে এটা আইনের ব্যত্যয় হবে। এটা দিতে ব্যর্থ হলে নিজস্ব প্রতীকেই নির্বাচন করতে হবে।

আসন্ন জাতীয় সংসদ নির্বাচনে যেসব কেন্দ্রে ইলেক্ট্রনিক ভেটিং মেশিন (ইভিএম) ব্যবহার করা হবে, সেসব ভোটকেন্দ্রে সেনাবাহিনী রাখার পরিকল্পনা আছে। নির্বাচন কমিশন সচিব হেলালুদীন আহমেদ গতকাল (১০ নভেম্বর শনিবার) এ তথ্য জানান। রাজধানীর আগারগাঁওয়ে নির্বাচন কমিশন ভবনের নিজ কার্যালয়ে সাংবাদিকদের এক প্রশ্নের জবাবে তিনি এ কথা বলেন।

এছাড়া ছেটখাটো ভুলের জন্য মনোনয়নপত্র বাতিল না করতে রিটার্নিং কর্মকর্তাদের নির্দেশনা দিয়েছে নির্বাচন কমিশন (ইসি)। গতকাল (১০ নভেম্বর শনিবার) এ সংক্রান্ত পরিপত্র জারি করে ইসি। পরিপত্রে বলা হয়, ছেটখাটো ক্রটির জন্য কোনো মনোনয়নপত্র বাতিল করা যাবে না। সূত্র-ইত্তেফাক (পৃ.১,ক.৩), যুগান্তর (পৃ.১,ক.৮), ভোরের কাগজ (শেষ পৃ.,ক.৮), ইভিপেনডেন্ট (পৃ.১,ক.২), ডেইলি সান (পৃ.৩,ক.৪)।

#### ৯। ৬৮ শতাংশ তরঙ্গ ভোটার প্রধানমন্ত্রী শেখ হাসিনার কাজকর্মে সম্মত

তরঙ্গ ভোটারদের মধ্যে ৬৮ দশমিক ৩ শতাংশ প্রধানমন্ত্রী শেখ হাসিনার কাজকর্মে সন্তোষ প্রকাশ করেছেন। আর উন্নয়ন কর্মকাণ্ডের কারণে ৫১ দশমিক ৩ শতাংশ তরঙ্গ বর্তমান সরকারকে পুনরায় নির্বাচিত করতে চান। ৫৩ দশমিক ৫ শতাংশ তরঙ্গ ভোটার মনে করেন, একাদশ জাতীয় সংসদ নির্বাচন সুষ্ঠু হবে। ‘আসন্ন একাদশ জাতীয় সংসদ নির্বাচনে নতুন ভোটারদের ভাবনা’ শীর্ষক জরিপে এমন ফলাফল উঠে এসেছে। গতকাল (১০ নভেম্বর শনিবার) রাজধানীর সেগুনবাগিচাস্থ ঢাকা রিপোর্টার্স ইউনিটের (ডিআরইউ) সাগর-রঞ্জি মিলনায়তনে এক সংবাদসম্মেলনে এ তথ্য জানানো হয়। সূত্র-ইত্তেফাক (পৃ.১৯,ক.২), ডেইলি সান (পৃ.১,ক.১)।

#### ১০। বাংলাদেশের সাফল্য আজ বিশ্বব্যাপী প্রশংসিত :

নিউইয়র্কে উন্নয়নমেলায় জাতিসংঘের আভার সেক্রেটারি জেনারেল

বাংলাদেশের টেকসই উন্নয়ন অভিযাত্রা এবং শেখ হাসিনা সরকারের বিভিন্ন অর্জনের প্রশংসা করে জাতিসংঘের আন্ডার সেক্রেটারি জেনারেল ফেরিতামোইলোয়া কাটোয়া উতোইকামানু বলেছেন, শক্তিশালী

=8=

অর্থনৈতিক প্রবৃদ্ধি, জাতীয় মালিকানা, নেতৃত্ব, পরিকল্পনা ও বাস্তবায়ন কৌশল, শক্তিশালী প্রতিষ্ঠান, দ্রুত শিল্পায়ন ও অর্থনৈতিক বৈচিত্র্য ইত্যাদি ক্ষেত্রে বাংলাদেশের সাফল্য আজ বিশ্বব্যাপী প্রশংসিত হচ্ছে। তিনি বাংলাদেশের এ অগ্রযাত্রার কথা তুলে ধরে আরো বলেন, বাংলাদেশ এখন এশিয়ার মধ্যে সফলতার স্বাক্ষর বহনকারী উল্লেখযোগ্য একটি দেশ হিসেবে স্বীকৃত। স্থানীয় সময় গত ৯ নভেম্বর শুক্রবার সন্ধ্যায় নিউইয়র্কে অনুষ্ঠিত বাংলাদেশ উন্নয়নমেলায় প্রধান অতিথির বক্তব্যে তিনি এসব কথা বলেন। বাংলাদেশকে গুরুত্বপূর্ণ উন্নয়ন অংশীদার এবং নিকটতম প্রতিবেশী উল্লেখ করে উন্নয়নমেলায় উপস্থিত নিউইয়র্কে ভারতের কনসাল জেনারেল ও রাষ্ট্রদূত সন্দীপ চক্রবর্তী বলেন, বাংলাদেশের উন্নয়নে ভারত সবসময়ই পাশে আছে। বাংলাদেশ শুধু দক্ষিণ এশিয়ায় নয়, গোটা বিশ্বেই উন্নয়নের উজ্জ্বল উদাহরণ আর এটি সম্ভব হয়েছে প্রধানমন্ত্রী শেখ হাসিনার দুরদর্শী ও যোগ্য নেতৃত্বে। সূত্র-ইঙ্গেফাক (শেষ পৃ.ক.৬), সমকাল (পৃ.৫,ক.২), বাংলাদেশ টুডে (পৃ.৩,ক.৫)।

#### ১১। পঞ্চগড়-ঢাকা রুটে ট্রেন সার্ভিস চালু

পঞ্চগড়-ঢাকা-পঞ্চগড় রুটে চালু হলো আন্তঃনগর ট্রেন সার্ভিস। গতকাল (১০ নভেম্বর শনিবার) সকাল ৭টা ৪০ মিনিটে পঞ্চগড় স্টেশন থেকে আনুষ্ঠানিক যাত্রা শুরু করে দ্রুত্যান এক্সপ্রেস। এ সময় ফিতা কেটে আন্তঃনগর ট্রেন সার্ভিসের আনুষ্ঠানিক উদ্বোধন করেন রেলপথ মন্ত্রণালয়ের অতিরিক্ত সচিব মো. আবুল কালাম আজাদ। সূত্র-সংবাদ (শেষ পৃ.,ক.৫), ফিলানশিয়াল এক্সপ্রেস (পৃ.১,ক.১)।

#### সম্পাদকীয়

- ক. ইঙ্গেফাক : দুর্নীতি দমন কমিশনের চালু হওয়া হটলাইন ১০৬ জনপ্রিয় হয়ে উঠছে উল্লেখ করে এর মাধ্যমে কেউ মিথ্যা অভিযোগের শিকার যাতে না হয় সেদিকে দৃষ্টি দেওয়ার সুপারিশ।
- খ. সমকাল : ইসলামী বিশ্ববিদ্যালয়ের ভর্তি পরীক্ষায় একের পর এক ভুল প্রশ্নপত্র, উভরপত্রের মধ্যে অসঙ্গতি এবং অন্যান্য অনিয়মের ঘটনা ঘটায় নিন্দা জানিয়ে শিক্ষায় এ ধরনের ভুলের জন্য দায়ীদের বিরুদ্ধে আইনানুগ ব্যবস্থা নেওয়ার ওপর গুরুত্বারোপ।
- গ. ভোরের কাগজ, সংবাদ : এসএসসি পরীক্ষায় অংশ নেয়ার ফরম পূরণ বাবদ শিক্ষা প্রতিষ্ঠানগুলোর অতিরিক্ত ফি আদায় কোনোভাবেই বন্ধ হচ্ছে না উল্লেখ করে অভিযুক্ত প্রতিষ্ঠানগুলোর বিরুদ্ধে তদন্তসাপেক্ষে উপযুক্ত ব্যবস্থা নেওয়ার দাবি।
- ঘ. বণিক বার্তা : সরকার পর্যটন এলাকার সড়ক উন্নয়নে সাত হাজার কোটি টাকা বিনিয়োগের উদ্যোগ নেওয়ায় সাধুবাদ জানিয়ে এর সুষ্ঠু বাস্তবায়ন করা হবে বলে প্রত্যাশা ব্যক্ত।
- ঙ. জনকর্ত্ত : পাইপলাইনে ত্রুটির কারণে এলএনজি সরবরাহে বিম্ব ঘটায় সারাদেশে গ্যাস সংকট শুরু হয়েছে উল্লেখ করে নিরবচ্ছিন্ন গ্যাস সরবরাহ নিশ্চিতের জন্য কারিগরি মানোন্নয়ন ও সার্বক্ষণিক মনিটরিংয়ের ওপর গুরুত্বারোপ।
- চ. নিউজ টুডে : পরিবেশ দূষণের অন্যতম কারণ পলিথিন ও প্লাস্টিক পণ্যের ব্যবহার বন্ধের আহ্বান।
- ছ. নিউ নেশন : জয়পুরহাটের আরামনগর এলাকায় বৈদ্যুতিক শটসার্কিট থেকে আগুন লেগে একই পরিবারে আটজন অগ্নিদন্তা হয়ে মৃত্যুর ঘটনায় শোক প্রকাশ করে এ ধরনের অনাকাঙ্ক্ষিত ঘটনা রোধে সবাইকে সচেতন হওয়ার আহ্বান।

#### উপসম্পাদকীয়

বণিক বার্তা পত্রিকায় প্রকাশিত কলামে উল্লেখ করা হয়েছে, এসডিজি ঘোষিত দারিদ্র্য বিমোচন ও ক্ষুধামুক্তি লক্ষ্যমাত্রা অর্জনে আমাদের প্রয়োজনীয় উদ্যোগ নিতে হবে।

নিবন্ধ ও ফিচার

যুগান্তর পত্রিকায় প্রকাশিত ‘কল্পনা থেকে রেহাই চাই’ শিরোনামের নিবন্ধে অভিমত প্রকাশ করা হয়েছে, টেলিকম কোম্পানিগুলো গ্রাহকের সুবিধার দিক বিবেচনায় এনে নিজ নিজ সেবার মানোন্নয়নের লক্ষ্যে কল্পনা বন্ধে পদক্ষেপ নেবে।

#

শুক্রবার/মরজিনা/সাউন্ড/রশীদ/২০১৮/৯.০০ঘন্টা